

343. **Pleurothallis cobanensis** Schltr., nov. spec.

Epiphytica, erecta, gracilis, 20—30 cm alta; rhizomate valde abbreviato, radicibus filiformibus, elongatis, flexuosis, glabris; caulibus gracilibus, teretibus, vaginis 2—3 alte vaginantibus obsessis, unifoliatis, 5—6,5 cm longis; folio erecto, oblanceolato-elliptico, apice brevissime exciso, basin versus sensim in petiolum brevem angustato, glabro, textura coriaceo, 5,5—6,5 cm longo, medio fere 1,7—1,9 cm lato; spatha satis ampla, compressa, 2—2,5 cm longa; racemo gracili, elongato, secundo, usque ad 25 cm longo, sublaxe multifloro, pedunculo vaginis paucis arcte amplectentibus dissitis obsesso, folium vulgo distincte superante; bracteis erectis, ellipticis, obtusis, ovario pedicellato fere duplo brevioribus; floribus erecto-patentibus in sectione vix inter mediocres, ut videtur atropurpureis; sepalis lanceolatis, acutis, glabris, extus carinatis, 7,5 mm longis, lateralibus obliquis, usque ad quartam partem apicalem connatis; petalis oblique obovato-oblongis, obtusis, glabris, nervis 3 extus elevatis, 3,25 mm longis; labello linguiformi, obtuso, dimidio inferiore leviter dilatato, linea mediana incrassata ornato, 3,5 mm longo, curvato, infra medium c. 1,5 mm lato; columna semitereti, glabra, 3 mm alta, clinandrio trilobato, lobis lateralibus brevibus sublobulatis, intermedio lanceolato, obtuso, multo longiore; ovario cum pedicello gracili, glabro, 0,7 cm longo.

Guatemala: Bei Coban, Alta Vera Paz, c. 4300 Fuss ü. d. M. — H. v. Türckheim no. 798, blühend im Oktober 1885.

Die Art ist offenbar mit *P. pachyglossa* Rehb. f. und *P. formosa* Schltr. verwandt, unterscheidet sich aber durch dichtere längere Infloreszenzen kleinerer Blüten.